



Page: 6

Reach: 0

Country: BOSNIA AND HERZEGOVINA

Size: 1002 cm2

1 / 4

DESETINE DILERA SMJEST

● U posljednjih pet mjeseci 2013. izvedene četiri velike akcije, u posljednjoj razbijena narkogrupa Narcisa Pirića ● Potvrđena optužnica u predmetu Jasmin Čeliković i Emir Kodžaga



Radeći na suzbijanju proizvodnje i prometa opojnih droga MUP Tuzlanskog kantona u posljednjih pet mjeseci 2013. godine proveo je četiri velike akcije. Posljednja je izvedena 23. decembra, a nakon nje iza rešetaka je završilo osam osoba. Radi se o narkogrupi Narcisa Pirića (27) u kojoj su bili Almedin Salihović (24), Jasmin Biberović (43), Jasmin Suljić (26), Davor Rangl (24), Almir Paočić (27), Nedim Serhatlić (29), svi iz Tuzle, te Anel Karić (24) iz Lukavca.

Koordinacija iz zatvora

Njima je Kantonalni sud Tuzla 26. decembra odredio mjeru jednomjesečnog pritvora, a zvanično su osumnjičeni za neovlaštenu proizvodnju i stavljanje u promet opojnih droga.

- Postoji osnovana sumnja da je Pirić organizirao grupu koja je na području Tuzle i Tuzlanskog kantona u periodu od nekoliko mjeseci nabavljala i prodavala većem broju konzumenata opojnu drogu amfetamin, kazao je Admir Arnautović, portparol Kantonalnog tužilaštva TK-a.

Podsjetimo, u organiziranoj akciji MUP-a TK-a i Kantonalnog

tužilaštva TK-a prilikom hapšenja Pirića i ostalih izvršeni su pretresi na devet lokacija u Tuzli i Lukavcu. Privedena je bila još jedna osoba, koja je, podsjećamo, puštena na slobodu nakon kriminalističke obrade u prostorijama MUP-a TK-a.

Borba protiv proizvodnje i prodaje opojnih droga u najmnogoljudnijem kantonu počela je, podsjećamo, 18. jula, kada je u akciji koju su zajednički izveli MUP TK-a i Federalna uprava policije uhapšeno dvanaest osoba.

Tada je "pala" grupa Senada Habibovića, zvanog Sena, kojoj pripadaju i njegova zaručnica Slađana Hasić (32), te Adnan Idrizović (28), Nermin Tahirović (28), Edin Livadić (39), Nikola Rackov (25), Ibrahim Koliqi (31), Alija Batanović (29), Ademir Mujezinović (29), Eldar Osmanović (25), Muhamed Makoli (21) i Samir Vuković (21), svi nastanjeni u Tuzli. Habiboviću i pomenutim članovima njegove grupe

pritvor je odlukom Suda produžen do 18. januara 2014. godine.

Inače, Habibović je odranije dobro poznat organima gonjenja, a osuđivan je zbog nasilničkog ponašanja i ucjene. Samo nekoliko dana prije hapšenja, izašao je iz KPZ-a Zenica. U njegovom stanu prilikom pretresa nađeno je oko 50 hiljada maraka

Nakon hapšenja Senine grupe, uslijedila je akcija SIPA kodnog naziva Brava, izvršena 29. jula, kada je razotkrivena narkogrupa Jasmina Čelikovića. Čeliković je grupom rukovodio iz KPZ-a Tuzla, gdje se nalazio na izdržavanju osmogodišnje zatvorske kazne zbog istog krivičnog djela.

Mobiteli i droga u zatvoru

Zbog te činjenice SIPA je pretresla i šest prostorija unutar KPZ-a Tuzla i uhapsila pet zatvorskih čuvara. Četiri službenika KPZ-a Tuzla, Meho Karić, Meris Halilčević, Jasenko Selimović i

ŠTENE IZA RESETAKA



**Žestok
obračun
policije sa
narkogrupama
u TK-u**



Page: 6

Reach: 0

Country: BOSNIA AND HERZEGOVINA

Size: 1002 cm2

3 / 4



Page: 6

Reach: 0

Country: BOSNIA AND HERZEGOVINA

Size: 1002 cm2

4 / 4

Nenad Ćuković osumnjičeni su da su pritvorenicima i osuđenima u više navrata unosili mobitele, SIM kartice, punjače, alkohol i druge predmete. Čuvar Admir Džinić tereti se da je u zatvor unosi narkotike, te posredovao kako bi osuđenima omogućavao određene pogodnosti u KPZ-u Tuzla.

Pored zatvorskih čuvara, Ćelikovi jataci bili su njegova majka Zehra Ćeliković (57), te Alen Redžić (31), Ešo Nuhanović (54), Muhamed Alihodžić, Jasmin Vehabović (22), Dinko Moranjačkić (30) i Adis Dugonjić (24).

Kantonalni sud Tuzla je 30. oktobra potvrdio optužnicu protiv Ćelikovića i njegove grupe, kao

i petorice zatvorskih čuvara. U obrazloženju stoji da su se od februara do kraja jula 2013. godine na području Tuzle i Lukavca bavili neovlaštenom proizvodnjom i stavljanjem u promet opojne droge heroin.

Optužnicom je za isto krivično djelo obuhvaćen i Denis Suljić (26) iz Tuzle, a koji nije pripadao pomenutoj grupi.

Napomenimo da su u julu prošle godine nepravosnažnom presudom Kantonalnog suda Tuzla prvi članovi narkogrupe Jasmina Ćelikovića osuđeni na ukupno 35 godina i šest mjeseci zatvora. Ćeliković je tada dobio osam godina zatvora.

Sedam dana nakon akcije Brava, službenici MUP-a TK-a iza rešetaka su smjestili 20 osoba. Akcija je izvedena 5. augusta kada je pretresena 31 lokacija u Tuzli, Lukavcu, Kalesiji i Gradačcu. Razbijene su tri narkogrupe, uhapšeno je 27 osoba, ali je sedam pušteno nakon kriminalističke obrade. Među uhapšenim tada je bio i Emir Kodžaga, za kojeg se sumnja da je narkotička sredstva nabavljao i prodavao sam.

Optužnicu protiv Kodžage Općinski sud Tuzla potvrdio je prije nekoliko dana, a prema njenim navodima, on je u periodu od marta do jula 2013. godine većem broju osoba u Tuzli prodavao marihuanu i heroin. Također, po prijedlogu Tužilaštva TK-a, Kodžagi je pritvor produžen za još dva mjeseca.

Još 2006. godine, podsjetimo, Kodžaga se dovodio u vezu sa nabavkom narkotičkih sredstava, kao osoba koja je bila zadužena za njihov prevoz iz Bijeljine, preko Majevice do Tuzle, ali zbog jake veze u tuzlanskoj policiji nije završio iza rešetaka.

Mjere zabrane

Osim Kodžage, u istoj akciji u julu privedeni su i pritvoreni Osman Vantić (30) i Adem Sirovina (31), te njihovi saradnici Semir Mašić, Mirza Subašić, Adis Mujkanović, Vehid Fejzić, Emir Cipurković, Ardian Krilić, Boris Nikolić, Omar Hasanagić, Nermin Mehić, Emir Delić i Emir Džindo.

Adem Sirovina sumnjiči se da je organizovao grupu kojoj su pripadali Mašić, Subašić, Mujkanović i Fejzić, a koja je od februara do augusta 2013. većem broju osoba na području TK-a prodavala marihuanu.

Grupa Osmana Vantića, kojoj su pripadali Cipurković, Krilić, Džindo, Nikolić, Hasanagić, Mehić i Delić, sumnjiči se da je prodavala marihuanu od januara do augusta 2013. godine.

Ranije su na slobodu pušteni Edin Hasić, Admir Ćeliković, Zoran Dukanović, Dario Marić, Ahmet Bajramović i Edin Trubljanin, kojima je Sud izrekao mjere zabrane napuštanja boravišta, redovno javljanje u nadležnu policijsku stanicu i zabranu međusobnog približavanja.

D. BRKIC